

People
plus

NOU PARTI, NOU LALIT
PLI DETERMINEN KI ZANMEN

LEPEP PA TRAKASE, NAPA NANRYEN ILEGAL

Pour Prezidan Michel demisyonnen pour donn plas son Vis-Prezidan pourki en zenn zenerasyon i kontiny sa travay ki li ek son predeser in konmanse dan sa pei, pa ilegal.

Menm Spiker Lasanble Pat Pillay in admet letan ki in resevwar let prezidan ki sa ki'n arive i an akor avek Konstitisyon.

Par kont sa ki Wavel pe fer aprezan pour esey zwe ek Konstitisyon malapropo ki pa bon pour

Sesel, e pour le moman nou menm kapab dir ki i malis. I pa bon ki sa gro kapon ki pe panik akoz i annan lafreyer ki en zenn dirizan, tre dinamik pe al pran labar, pe rod semen pour li esey vin prezidan.

Sa kapon ki'n anmas defet 3 fwa dan en lespas 8 mwan, i oule gouvènmman al depans en ta milyon an krwayan i pou vin prezidan. I'n pil lo SNP. I'n pil lo son bann kolaborater dan LDS, i'n pil lo lepep Seselwa e kree divizyon ek laenn parmi zot, la i oule pil lo Konstitisyon nou pei.

WAVEL POU TOUS 80 MIL PAR MWAN

Sa ki Wavel ti oule! Pran plas Roger Mancienne pour li al kolekte en package 80 mil rroupi, menm plis avek allowance bann komite Lasanble.

Kit nou Lasanble ale Wavel, aret voras. Tou fason, Seselwa pa pou toler en fouter dezord dan son Lasanble. Ler ou pe ranpli ou pos, oule Seselwa anval lapousyer, sirtou ou bann siporter ki pe kontinyen pile.

OLI MOSYON POUR REDWIR SALER LIDER LOPOZISYON?

Wavel i war tou kek-
soz tro bokou pour
tou lezot dimoun, letan ki
li i pe al tous plis ki 80 mil
roupi si i ganny en pozisy-
on lo bann komite
Lasanble.

Pa obliy son 'per diem' letan i pou voyaz VIP dan bokou pei lo non Lasanble avek sa tit Lider Lopoziyon- i pou ganny en ta larzan ankor. Pa obliye i ganny osi en bidze pour okip lofis Lider Lopoziyon. Oli mosyon pour zot travay gratwitman lo sa bann komite, oswa mosyon pour redwir saler Lider Lopoziyon?

Wavel pou ganny sa ta larzan malgre in deza dir in ler pour gouv-
ernman abandonn welfer, tro bokou dimoun lo welfer. I refize donn en dimoun en 10 rroupi i dir ki

i pa soutir mandyan, al travay. E pe menm annan spekilasyon ki LDS pe al anmenn mosyon pour demann lepep pour kontribye pour ledikasyon zot zanf, e zot las-
ante aköz zot pa pou vote pour gouv-
ernman donn gro gro bidze sa de sekter.

Bann ki'n pile, eski zot pe war konsekans zot aksyon? Eski zot pou mont Arpan Ver pour al sers en songo lo sa 80 mil? Oswa zot pou kontinyen pile e dir Parti Lepep pa bon, fodre sanz? Eski zot oule sanz pour tir en gouv-
ernman ki'n pas tou son letan zis pran swen ek zot, donn zot, fasilit zot, pour met enn ki dir aret don-
nen, fer peye, aret soutire, bef dan disab sakenn vey son lizye? Seselwa in oule sanzman, sanz-
man in arive. Ki nou fer aprezan?

WAVEL DEMISY- ONNEN, OU EN LODER

Wavel Ramkalawan, sa gran gour-
man, ki promot zis divizyon ek
laenn parmi nou pep, i en loder dan
nou Lasanble. Demisyonnen e les sa
Lasanble travay.

Ou zis sibir defet apre defet. Plis ki 25 an
dan politik ou'n zis perdi eleksyon, me ou pos
nek in ranpli parti ranpli pour vin pli plen ki
tou ou bann kolaborater obor ou. Ou'n konn
zwe ou rol. Ou'n servi Lalyans pour vin
ganny gro larzan, prestiz, e sit pour vin fer
martir Seselwa. Demisyonnen, retir sa loder
dan nou Lasanble.